



# STATUTAS

**CLUB DA TENNIS DANIS-TAVANASA**



## **Num, Sedia, Intent**

- Art. 1** Cul num CLUB DA TENNIS DANIS-TAVANASA exista, cun sedia a Danis-Tavanasa, in`uniun tenor art. 60.
- Art. 2** Il CTDT intenda la practica dil sport da tennis e promova quel a Danis-Tavanasa e contuorn.
- Art. 3** Il CTDT ei commember dall`uniun Svizzra da tennis e renconuscha ils statuts e reglaments da quella.

## **Commembers:**

- Art. 4** Il club secumpona da:  
Commembers activs  
Commembers d`honur  
Commembers passivs  
Juniors ( as )
- Art. 5** Artechel strihaus radunonza general 13-01-2018.
- Art. 6.** Commenbers activs ein giugaduras e giugadurs che han igl 1. da schaner vargentau il 19-avel onn da naschientscha.
- Art. 7.** Commembers d`honur vegnan tals numnai che han specials merets pil club da tennis Danis-Tavanasa entras la radunonza generala.
- Art. 8.** Commembers passivs vegnan tals numnai che pagan ina contribuziun annuala, ni tals che han priu cungedi tenor art. 21.
- Art. 9.** Juniors ( as ) ein giugadurs ( as ) dall`entschatta digl onn ch`els cumpleneschan il 16-avel onn tochen alla fin digl onn el qual els ( as ) contonschan il 19-avel onn da naschientscha. Els ( as ) vegnan pri si sco ils commembers activs dalla radunonza generala.
- Art. 10.** Affons vegnan promovì dil CTDT entochen ch`els cumpleneschan il 15-avel onn da naschientscha

## **Recepziun da novs commembers:**

- Art. 11.** Damondas d`entrar ein d`inoltrar alla suprastonza dil club. La recepziun ei da dar part en scret al petent cun aschuntar ils statuts e reglaments.

**Art. 12.** Tgi ch`entra el club da tennis Danis-Tavanasa sesutametta als statuts e reglaments da quels.

### **Dretgs ed obligaziuns dils commembers:**

**Art. 13** Commembers activs, d`honur ed juniors (as) san far diever dallas installaziuns dil club enteifer ils reglaments.

**Art. 14.** Affons ed commembers passivs han da schar la precedenza al diever dils plazs als commembers numnai sut art. 13.

**Art. 15.** Commembers activs ed juniors ( as) ha il dretg da votar alla radunonza generala.

**Art. 16.** Commembers d`honur han ils medems dretgs e las medemas obligaziuns sco ils commembers activs, ein denton liberai dalla contribuziun annuala.

**Art. 17** Commembers passivs han negins dretgs ed obligaziuns, san denton far diever dils plazs da tennis cun pagar la taxa da diever tenor reglament.

**Art. 18.** Ella suprastonza san mo commembers activs ni juniors ( as ) vegni elegi.

**Art. 19.** Tut ils commembers ein obligai d`ademplier las prestaziuns statuidas dalla radunonza generala. La taxa da recepciun ston mo ils commembers activs ed juniors pagar.

### **Extrada dil club e cungedi :**

**Art. 20.** L`extrada dil club, resp, midada da categoria da commember sa succeder sin la radunonza generala e quei cun visar la suprastonza a scret. L`extrada ei pér lu perfetga, cu tuttas obligaziuns vier il club ein ademplidas. Commenbers han negin dretg sin la facultad dil club.

**Art. 21.** Vul in commember buca restar activs, sa el far la damonda per cungedi. Quei cungedi vegn concedius per in temps limitaues.

**Art. 22.** Commembers che cunterfan als statuts, conclus ed interess dil club, che fan donn alla reputaziun dil club ni adempleschan buca lur obligaziuns finanzialas enviers il club san vegni sclaus dil club.

## Organisaziun:

- Art. 23.** Organs dil club:
- La radunonza generala
  - La suprastonza
  - Ils revisurs
- Art. 24.** La radunonza generala ha liug inagada ad onn la primavera. Ella ei obligatorica per commembers activs ed juniors.
- Art.24.** Las invitaziuns duegien esser en posses dils commembers silmeins 10 dis avon la radunonza. Ina radunonza generala extraordinaria sa vegnir clamada ensemen dalla suprastonza ni da silmeins in tschunavel dils commembers cun dretg da votar.
- Art. 25.** La suprastonza secumpona da 5 commembers
1. president
  2. actuar
  3. cassier
  4. meinagiuc
  5. couch
- Art. 26.** Ils commembers dalla suprastonza vegnan elegi per 2 onns Reelecziun ei pusseivla. L`elecziun dil president succeda separadamein, quella dils anteriurs commembers separadamein ni comunablamein.
- Vegn enteifer in bienni in post ni l`auter ella suprastonza vacant, ei quella autorisada da far in`elecziun provisorica che sto vegnir confirmada dalla radunonza generala.
- Art. 27.** La suprastonza ei habla da concluder, sche pli che la mesadad dils suprastonts ein presents. Ils conclus vegnan pri cugl absolut pli dallas vuschs. Seresulta paritad, ha il president il dretg da decisium.
- Art. 28.** La suprastonza ha la cumpetenza da concluder sur d`ina summa da 2`000.00 frs ad onn, plinavon sur d`expensas enteifer il preventiv.
- Art. 29.** Il president segna pil club da tennis Danis-Tavanasa en siu stagl sa era igl actuar ensemen cun in auter commember da suprastonza signar valeivlamein. Pil traffic cul schec postal e culla banca sa il cassier ( a) signar persuls ( a).

## **Ils revisurs da quen:**

**Art. 30.** La radunonza generala elegia ord il ravugl dils commembers dus revisurs da quen ed in suppleant. Lur elecziun succeda per 2 onns e quei alternativamein. Reelecziun ei pusseivla.

Revisurs e suppleants astgan buca appartener alla suprastonza.

Ils revisurs han da survigilar il quen dil club da tennis Danis-Tavanasa e da rapportar sur da quel alla radunonza generala a scret. Ultra da quei ein els responabels che ils conclus pri vegnien adempli e las statutas tenidas en.

## **Quen dil club:**

**Art. 31.** Igl onn da quen dil club ei identics cun igl onn calendari.

## **Contribuziuns dils commembers:**

**Art. 32.** L'altezia dalla taxa e dalla contribuziun annuala vegn fixada dalla radunonza generala. Candidats aunc buca recepi pagan il daner d'entrada e la contribuziun egl onn d'entrada.

**Art. 33.** Artechel strihaus radunonza general 13-01-2018.

**Art: 34.** Deliberai dalla contribuziun annuala ein:

1. commembers d'honor
2. suprastonza
3. tgira-casa dil club
4. tgira-plazs dil club

Commembers che sorteschan dil club suenter la radunonza generala pagan l'entira contribuziun pigl onn current.

## **Responsablidad:**

**Art. 35.** Il club surpren negina responsablidad per accidents ni donns da scadina natira che schabegian sils plazs da tennis, resalvau prescripziuns legalas.

## Revisiun dallas statutas, dissoluziun dil club:

**Art. 36.** Las statutas san vegnir revedidas dalla radunonza generala. Leutier ein 2/3 dallas vuschs dils presents necessarias.

**Art. 37.** Per la dissoluziun dil club ein medemamein 2/3 dallas vuschs dils commembers presents cun dretg da vuschar necessarias. La facultad dil club croda all`uniun sportiva Danis-Tavanasa cun la resalva da pagar anavos quella sch`ei duess vegnir fundau enteifer 20 onns in niev club da tennis .

**Art. 37.** Quellas statutas remplazzan las statutas dils 7 da fevrer 2009 e van en vigur cun la proxima radunonza generala anno 2018.

Danis-Tavanasa: ils, 13-01-2018

### **CLUB DA TENNIS DANIS-TAVANASA**

Il president .....

Igl actuar .....